



Riste sane officium est, funus indicere, exsequias parare, præsertim magnæ spei adolescenti, & ei, in quo inclita & antiquæ gloriæ familia cum corpore exanimi contumulatur, & nominis succiditur propagatio. Etenim facile est coniectare, quantum vulnus inde parentes, si supersint; quantum cognati ceteri accipiant, si stirpitis excisum genus viderint, quod per longam annalium memoriam virtutis & gloriæ feracissimum existit, & magnos fructus ad rempublicam & ad patriæ communem tulit utilitatem. Horum autem grauisimo dolori magno fomento, quod mitiget acerbicatem, utique medendum est: idque difficilius adhibetur iis, qui sapientiores ceteris vulgare solatium perspectum habent, nec vero illo a luctus grauitate adleuantur. Nihilominus aliquid nobis adferendum est, quum generoso Iuueni, & vnico, vt sperabatur, suæ Gentis propagatori, supremum faciendum est officium, & spes ipsa, quam conceperant propinqui, vna cum ipso sepelienda. Talis casus erat, quo Vestricii Spurinnæ olim domus fuit concussa, qui absens, quum in Germania bellum gereret, Bructerorumque restitueret Regem, filium præclaræ indolis, summæque spei, COTTIVM,
ami-